

大同府志卷之九

大同府知府吳輔宏纂輯

封爵

封建之制自玉綰李斯異議後世陸機曹冏李百藥柳宗元之徒各主一說互相排詆於是不可復置喙矣夫古邦君諸侯卽後之守令也西漢中葉以來始判而爲二沿及唐宋下逮前明皆無分土治民之責然考歷代世家年表列傳或食封郡邑或拜爵名藩莫不誓之河山旂以休命亦猶然古親親尊賢崇德報功之典一時帶礪之榮也志封爵

大同府志

卷之九

封爵

商周

代子爵商之支子受封至戰國初僭號爲王後趙襄子滅之

趙其先與秦同祖周穆王以趙城封造父由此爲趙氏去周適晉世爲晉卿襄子母恤北滅代烈侯籍立爲諸侯至武靈王時攘地北至燕代西至雲中九原自號主父傳至幽繆王遷滅於秦

代成君趙周襄子兄伯魯子襄子旣併代憐兄伯魯不得立而卒因封其子成君卒子浣嗣襄子弟嘉逐浣而自立嘉卒國人共殺其子復迎立浣

代安陽君趙章武靈王長子已立爲太子後愛少子何廢章而立之惠文王二年封

尉文君廉頗孝成王十五年封 按史記正義曰尉文蔚州地今載入者是時未有靈邱廣靈縣也若七年以靈邱封楚相春申君自是惠文時所取齊地與大同無涉代王趙嘉幽繆王八年秦滅趙趙公子嘉率其宗數百人奔代自立爲代王東與燕合兵

秦

趙王趙歇故趙後二世二年張耳陳餘立爲趙王三年項羽徙爲代王後復徙王趙爲漢韓信所破滅

大同府志

卷之九

封爵

二

代王陳餘漢元年項羽封爲南皮侯餘襲敗常山王張耳迎代王歇還趙立餘爲代王使其相夏說來守代餘畱傅趙漢韓信張耳擊斬之

漢

代王劉喜高帝六年大封同姓以雲中鴈門代郡五十二縣立兄宜都侯喜爲代王七年棄國自歸廢爲郃陽侯 按班固諸侯王表序曰自鴈門以東至遼陽爲燕代又曰景武以來長沙燕代雖有舊名皆無南北邊矣如淳曰代北更置緣邊郡是漢初代國有北邊也

代王劉恒高祖十一年封未幾遷於晉陽後入繼大統是

爲孝文帝

代王劉如意高帝七年封幼未之國使代相陳豨來監國  
九年徙封趙王諡曰隱

恒山王不疑高后稱制元年封二年薨諡曰哀更立襄城  
侯義爲恒山王四年立爲帝更名宏以軹侯朝爲恒山  
王文帝立坐非孝惠子誅

代王劉武文帝子二年封三年徙王淮陽十三年復徙王  
梁諡曰孝 漢書賈誼傳文帝以代王入卽位後封代  
爲兩國立皇子武爲代王參爲太原王後又徙代王武  
爲淮陽王而太原王參爲代王盡得故地

大同府志

卷之九

封爵

三

代王劉參文帝子四年由太原王徙封諡曰孝子共王登  
嗣再傳至剛王義徙王清河

尉文侯劉丙趙敬肅王子元朔二年封諡曰節子犢嗣坐  
酎金免 按尉文卽趙廉頗所封地

平城侯劉禮河間獻王子武帝時封元狩三年以罪免

平城侯劉邑成帝時封子珍嗣 漢地理志平城屬鴈門  
郡

平邑侯劉閎成帝時封 史記趙獻侯十三年城平邑漢  
地理志代郡有平邑縣

鹵侯張平高祖十二年以中尉從入關擊項籍黥布盧縮

功由南陽侯晉封邑二千七百戶謚曰嚴子勝襲孝文  
四年國除 漢地理志代郡有鹵城

東漢

代王盧芳建武十六年封芳乘王莽之亂借邊外兵掠地  
光武數討之至是入居高柳乞降遂封代王十八年復  
亡出塞

平舒侯馬成世祖討河北從征伐建武七年以平李憲功  
封二十七年徙封全椒侯子衛嗣 漢郡國志平舒屬  
代郡

武進侯隨憲昱弟建武十二年封

大同府志

卷之九 封爵

四

蜀漢

新興王劉恂後主子景耀二年封後入晉襲後主安漢公  
爵 按新興郡魏地遙取美名以爲封號如蕭梁定襄  
侯趙末雲中侯之類皆是

魏

武進亭侯魯芝以討諸葛誕功封後進爵聚城鄉侯 按  
武進前漢屬定襄郡後漢屬雲中郡建安中已廢魏武  
置新興郡是封號尚沿舊縣名也他皆類此

晉

代王司馬演武帝子太康十年封有廢疾不之國謚曰哀

以成都王子廓爲嗣尋徙封中都王

代王司馬晏武帝子由吳王徙封

代公拓拔猗盧建興三年封初并州刺史劉琨乞師代公助兵三萬琨甚德之請於朝封爲代公又與琨并力討劉曜於晉陽破之遂晉爵爲王傳至道武稱帝改國號魏

定襄侯劉興廣武侯琨兄爲東海范陽二王所用有功封謚曰貞子演嗣

定襄侯衛操勸說代公猗盧匡助晉氏東盡公司馬騰聞而善之表加將號封侯

大司府志

卷之九 封爵

五

雲中侯衛雄操從子從代公赴晉難表其勲封侯

劇陽子魏舒武帝時爲司徒封謚曰康 按 劇陽漢縣屬

鴈門郡晉省

北魏

新興王元俊太宗第七子泰常七年封後坐法降公旋國

除 按晉志惠帝改新興爲晉昌郡卽北魏之永安郡也地形志所載新興郡則梁武僑置非故郡地

定襄縣王元鸞恭宗孫太和十九年以赭陽失利由城陽王降封

代郡公元永昭成之後孝莊時賜爵後別封朝那縣子邑

三百戶以代郡公廼授子景安

新興公元丕河間公興都子孝文時由平陽平公改封諡曰平

靈邱郡開國公斛斯椿梁以汝南王越爲魏主椿率所部歸封後入關

梁城侯高允以謀平涼州功封汝陽子後晉封子忱嗣  
地形志恒州有梁城郡

平舒侯許謙皇始初封後晉封高陽公子洛陽襲

平舒侯燕鳳世祖時以舊勳封子才襲傳至世宗二世  
武周縣侯王懷廢帝中興初封孝武永熙中改封虞鄉

大同府志

卷之九

封爵

六

地形志武周縣屬恒州代郡

永固縣侯薛孤延廢帝時封後從齊神武平鄴進郡八齊  
受禪別賜爵都昌

平舒縣開國伯邢巒世宗時以宿豫功封食邑五百戶子  
遜嗣永安二年坐受任元顥國除 通考云巒初襲父  
封平城子以戰功晉平舒縣伯

平城縣伯裴炯植弟颺子明帝初封晉爵侯後改封高城  
平城子邢穎太武時封

雲中子梁恭越孫由祝阿侯降封

廣牧子陸清都麗弟頽子

平城子伊益生馥孫

新興縣開國子穆何魏郡公羅子

平舒男范含樂出帝時封武定末進侯

延陵男李鳳以從尉元定南境封 漢地理志延陵屬代

郡

萬年鄉男元孚臨淮王昌弟永安中封後從出帝入關

南朝

新興王劉嵩宋明帝第十一子齊受禪降封定襄縣公

桑乾王元聘梁武帝時封

新興郡王蕭大莊梁簡文帝第十三子大同元年由高唐

大同府志

卷之九

封爵

縣公晉封 一按潁州新興郡蕭衍置見魏地形志

新興王陳叔純宣帝第二十八子至德元年封入隋為河

北命

定襄侯蕭祗梁封太清三年北降

定襄侯張冲臨沮伯邵孫梁武帝時以軍功封

廣牧縣子庾域梁武帝時以佐命功封後進爵伯子子興

嗣

西魏

新興縣伯豆盧永恩以迎孝武封邑五百戶

靈邱縣伯侯莫陳瓊崇弟以軍功封邑三百戶大統二年

晉侯周閔帝初晉武安縣公

平舒縣伯蔡襲大統中封 按周書蔡祐傳父襲正光中拜齊安郡守從孝武西歸賜爵平舒縣伯祐從周文積功封萇鄉縣伯進爲公未嘗嗣父封也省志誤以襲爲祐今更正

永固縣伯王勇恭帝時由新陽縣公別封邑五百戶廼授兄子元興 地形志恒州代郡有永固縣

北齊

平城縣公堯雄魏永安中封伯進爵爲公增邑五百戶諡武恭子師嗣

大同府志

卷之九

封爵

北周

代王宇文達文帝子武成元年封代國公邑萬戶建德三年晉王大象二年國除 按周書代曩王傳大象元年詔以潞州上黨郡爲代達出就國是潞爲代王食邑非卽以潞爲代也存之

太平縣公史靜從周武帝平齊戰歿追封子萬歲襲 按隋書地理志絳郡太平縣後魏置後齊省臨汾縣入焉又雲內縣後齊爲太平縣周改雲中開皇初改是齊時有兩太平縣至隋開皇中萬歲以功復封則當專指絳郡與雲內無涉



鴈門郡公田宏孝閔初由鵷陰縣公晉封邑通前二千七百戶後又增五百戶子仁恭襲

神武郡公竇毅天和六年封按隋志後魏置神武郡後齊改曰太平後周罷是亦沿古郡名以為封號也

平齊縣公柳慶孝閔初進封諡曰景子機嗣

鴈門郡公楊廣即煬帝大象末封

平寇縣伯馮恕為晉公護所委信位至儀同三司

平齊縣伯韋瑱孝閔初由長安縣子進爵增邑五百戶天

和初追封公

隋

大同府志

卷之九

封爵

九

代王楊侑元德太子子大業末由陳王徙封即恭帝

平寇縣公李景開皇初封大業間晉封滑國王隋志平

寇縣開皇初置大業間改崞屬鴈門郡

唐

代王李簡太宗第十二子貞觀四年封一云貞觀二十四

年改封豫王為代王

代王李宏高宗第五子永徽六年封顯慶元年立為皇太

子

恒王李撝睿宗第二子垂拱三年封壽改封衡陽郡王

按唐之恒州今直隸真定府非北魏恒州也然於漢則

爲恒山郡張晏曰恒山在郡西則固以恒山得名姑存之

恒王李瑱元宗第二十七子開元二十三年封

代王李譔德宗第八子本封縉雲郡王建中二年追封

新興郡王李德良長平王叔良弟武德初封孫晉襲

定襄王李大恩

安邊郡王郝廷玉以保河陽禽徐璜玉功累封唐地理

志興唐郡本安邊郡

新興郡王李誠代宗孫端王遇子

鴈門郡王李濬憲宗孫澶王忱長子

大同府志

卷之九

封爵

十

定襄郡王郭英父太原郡公知運子廣德元年以軍功封

定襄郡王阿史那存禮安祿山將歸降封

鴈門郡王田承嗣初從安祿山代宗時以歸降封于緒尚

主襲封卒子季安襲

鴈門郡王王智興太和初以破李同捷勳封

代國公李倓元宗孫陳王珪第五子

定襄公李宏號王鳳子

代國公李靖貞觀十四年以戰功封十一年改封衛國公

諡景武子德塞嗣

代國公郭子儀至德中以收東都功封上元三年晉封汾

陽王諡忠武

代國公郭元振先天二年以扈衛功由館陶縣男晉封

代國公安金藏中宗時嘗自剖腹以明睿宗寃開元二十

年封

代國公郭曜子儀長子至德中以父勲封太原郡公後襲

封代國公諡曰孝貞元三年以弟駙馬都尉清源侯曖

襲卒子鑄嗣

代國公王涯太和元年由清源縣男晉封甘露之變被害

新興郡公趙文恪武德二年以佐命功封

雲中郡公慕容道奴開元初封

大同府志

卷之九

封爵

十一

鴈門郡公苾悉頡力本郁射施開元初封

平城郡公高拱毅本高麗人開元初歸降封

新興縣公王君愕武德初封太宗時從征戰沒贈邢國公

新興縣公馬三寶柴紹家僮從定京師平薛仁杲封新興

縣男貞觀初晉封

靈邱縣伯渾廻貴官豹韜衛大將軍

宋

新興郡王吳蓋乾德中以憲聖后弟封

代國公趙元億太宗子至道三年追封

代國公潘美太平興國中封尋晉韓國公

雲中侯趙德欽魏王廷美子由雲州觀察使追封

新興郡侯趙從郁英國公惟憲子贈金州觀察使新興侯

遼

恒王耶律隆慶景宗第四子乾亨二年封統和十六年徙

封梁開泰初更王晉國又進秦晉國王

恒王蕭朴國舅族聖宗時由蘭陵郡王晉封重熙初改封

韓王

金

并王完顏永中世宗子明昌二年由趙王改封三年晉封

鄯王 按百官志凡封王國號并趙等為大國代等為

大同府志

卷之九 封爵

三

次國

代王完顏充本名神土懣忠烈王宗幹子皇統間由淄國

公晉封

代王高楨遼太師卒翰五世孫海陵時拜司空由莒王晉

封

應國公完顏杲本名撒离喝安帝六代孫皐統三年封海

陵時晉封王

代國公完顏劬真保景祖子正隆時自王例降封

代國公完顏活女華王婁室子正隆中由廣平郡王降封

諡貞濟

代國公完顏宗尹本名阿里罕太尉幹倫子大定中拜平章封

應國公突合速宗室子正隆二年贈

應國公完顏樂善衛王襄子大定時封

代國公完顏歡都天會十五年追封諡忠敏

元

并王晃火帖木兒河平王昔里吉子泰定二年由嘉王改

封

雲中王牙牙由康國王改封 省志云雲中王牙牙阿沙

不花弟由康國公晉封按元史阿沙不花傳牙牙封康

大同府志

卷之九

封爵

七

國王生六子阿沙不花最賢又云母弟脫脫爲名臣又

按康里脫脫傳脫脫父曰牙牙由康國王封雲中王阿

沙不花之弟此承脫脫言省志以牙牙爲阿沙不花弟

誤矣且二傳俱不言牙牙封公是由康國國王雲中其

非晉封可知

雲王孛魯海右丞相撟思監會祖至正十八年追封

宣寧王速哥諡忠襄子忽蘭孫天德子思俱追封雲國公

宣寧郡王乃蠻台木華黎五世孫至元三年襲國王爵至

順間封

宣寧郡王帖木兒不花至大四年封

宣寧郡王阿憐帖木兒至順元年封

懷仁郡王亦思丹至大四年封

雲國公鐵哥木成宗時追封諡簡肅

應國公曲樞武宗時以保傅太子功封

雲國公趙秉溫皇慶元年追贈諡文昭

雲國公幹羅思天歷元年追封諡忠懿子鎖乃襲封諡貞

閔

威寧郡公月舉連赤海牙至順中追封諡襄靖

雲國公買住至正二十七年封

鴈門郡公塔塔統阿至大二年追封次子力渾迷失亦封

大同府志

卷之九

封爵

十四

鴈門郡公

雲中郡侯茂忽神諡曰襄

雲中郡侯僕文質追封諡忠襄

明

代王朱桂太祖第十三子洪武十一年封豫王二十五年

改封代是年就藩建文時以罪廢為庶人成祖初復爵

正統十一年薨諡曰簡世子遜熾先卒諡悼戾孫隱王

仕壘嗣追封世子為戾王仕壘薨子惠王成鍊嗣宏治

二年薨子聰沫先封武邑王卒其子懿王俊杖襲代封

追封聰沫為思王俊杖薨子昭王克耀自泰順王嗣薨

子恭王廷琦自泰興王嗣薨子定王胤鉉四無子弟胤鈞嗣薨子康王鼎渭嗣薨子彝嗣薨子傳四嗣崇正十七年闖賊陷大同闔門遇害

廣靈王朱遜焜代簡王第二子永樂二年封諡榮僖子莊

裕王仕滋襲薨子順簡王成錠襲薨子宣和王聰漢襲

薨子康定王俊槐襲薨子榮昭王充鍵襲薨子廷埏襲

山陰王朱遜燧代簡王第四子永樂二十二年封天順五

年徙王蒲諡康惠子仕楓襲

靈邱王朱遜烜代簡王第六子永樂二十二年封天順五

年徙王絳州諡榮順子仕塲襲

大同府志 卷之九 封爵

五

宣寧王遜料代簡王第七子正統二年封天順五年徙王

澤州諡靖莊子仕羸襲 按元志宣寧縣屬大同路明

時已廢

懷仁王遜煇代簡王第八子景泰七年封天順五年徙王

霍州諡榮定子鎮國將軍仕燎先卒孫成鈿襲 按明

史諸王世表有潞城襄垣隰川三王皆代簡王子外封

故不具錄

宣寧侯曹良臣洪武二年封祿九百石子世券子泰襲坐

藍玉黨爵除

寧伯王越成化十六年以戰威寧海有功封祿一千二

百石十七年復以鹽池功增祿四百石十八年再以功增祿五十石諡襄敏

明史地理志大同北有威寧海

子

按舊志封建晉代公拓拔猗盧後卽接明代藩諸王以虛封槩置不錄未免挂漏矣嘗攷魏晉以來多有非其境內之地而遙封者如蜀漢劉宋之新興王蕭梁定襄侯趙宋雲中侯之類是也有郡縣名已更而封號沿舊者如北魏之新興王北周神武郡公明宣寧王之類是也惟趙以靈邱封楚相春申君自是惠文時所取齊地西魏懷仁縣公李衍陳懷仁縣伯華

大同府志

卷之九

封爵

六

皎自指東魏所置懷仁縣卽梁青州地隋封平城郡公邱和當時實有太原郡之平城縣卽今和順縣地非沿舊號若此之類不得假借通志變文曰封爵採錄頗詳今從之而增其所未備者然竊疑所載西魏萬年縣公崔詵萬年縣子于實薛檜隋山陰縣公蕭該皆與山西無涉蓋北魏代郡雖改萬年尹而其時別有馮翊郡之萬年縣不當以雍傳恒山陰卽河陰縣金大定中更名該之封在開皇初當爲陳會稽郡之屬縣平陳後始廢亦屬遙取以爲封號不當爲大同之山陰也故附辨於此



大同府志卷之九終

大同府志

卷之九

封爵

七